

Силос эс дарлгын

Сарпинск района Ильичин нертэ колхозин саалин малин гурвдгч ферм (заведующнь үр Степанов) эн джил 1500 тонн йилгъян сян көк өвс хаддж хурадж белдлэ. Ода эн өвснь халэвр, харлгын уга баянэ. Теегин идгт йовх мал, оданас авн өвснэ овас эвдэд, идэд ишкэд үрэджэнэ.

Саалин малин хайрдгч фермд (заведующнь үр Гуляев) малин хот белдлгэнд түүнэс му йовдлмуд гарчана. Малчир Петр Грибанов болн Михаил

Муджиев хурагъяд уга эрдни-шишэгъяр хярүлджэх малан идшлүлдж эн үнтэ сян хотиг малмударн ишкүлдж тараджана,

Эн фермд силос дарлгына көдлмш чигн ик үзмдж уга, му йовна. Силос дархин төлэ 20 нүкн бел кегдсн баянэ. Эдниг цугтнь дүүргэд силос дархла, малин 8 мингын тонн шимтэ сян хот белдгдхмн. Болв эднэс зуг нег нүкнднь силос даргдв.

Малин хот белдлгэнд чинр өгч, колхозин ахлач үр Плескачев болн эклц парторганизагин сеглэтр үр Дьяченко. деер келгдсн хойр фермин күч-көлсчир дунд цаялгвэрин ик көдлмш кедж, эрдни-шишэ хаддж хуралгэнд болн силос дарлгэнд социалистическ дөрлдэ өргөр делгрүлх зөвтэ.

К. СЕМУШКИН.